

রোহিঙ্গা নির্যাতনের প্রতিবাদ ইস্ট ওয়েস্ট বিশ্ববিদ্যালয়ের

নিজস্ব প্রতিবেদক ●

মিয়ানমারের রাখাইনে রোহিঙ্গা জনগোষ্ঠী হত্যা, নির্যাতন, ধর্ষণ, অগ্নিসংযোগ ও উচ্ছেদের মতো সহিংসতার প্রতিবাদ জানিয়েছে বেসরকারি ইস্ট ওয়েস্ট বিশ্ববিদ্যালয়।

গতকাল রোববার দুপুরে রাজধানীর আফতাবনগরে বিশ্ববিদ্যালয়ের সামনে অনুষ্ঠিত মানববন্ধনে এই প্রতিবাদ জানানো হয়।

ইস্ট ওয়েস্ট বিশ্ববিদ্যালয়ের ট্রাস্টি বোর্ডের চেয়ারপারসন ও বাংলাদেশ ব্যাংকের সাবেক গভর্নর মোহাম্মদ ফরাসউদ্দিন বলেন, 'রোহিঙ্গারা অসহায় জনগোষ্ঠী, তাদের ওপর চলতে থাকা নির্যাতন বন্ধে সবাইকে সোচ্চার হতে হবে।' মানববন্ধনে বিশ্ববিদ্যালয়ের উপাচার্য এম এম শহিদুল হাসান, সহ-উপাচার্য ফকরুল আলম, কোষাধ্যক্ষ, বিভিন্ন অনুষদের ডিন, বিভাগের চেয়ারম্যান এবং শিক্ষক-শিক্ষার্থী ও কর্মকর্তা-কর্মচারীরা অংশ নেন।